

欽定前漢書

卷七之十四

欽定四庫全書

卷一百一十五

漢

蘭

臺

命

史

班

固

撰

唐正議大夫行秘書少監琅邪縣開國子顏師古注

昭帝紀第七

孝昭皇帝

荀悅曰諱弗之字曰不應勅曰禮益法聖聞周達曰昭

武帝少子也母曰趙婕妤

師古曰婕妤幸也仔美稱也故以名宮中婦官僮音接序音余字或並從女

本以有奇異得幸

師古曰謂望氣者言有奇女天子氣及召見手指拳上自披之即時伸

及生帝亦奇異

文穎曰十月乃生語在外戚傳武帝末戾

太子敗燕王旦廣陵王胥行驕嫚

師古曰行後元二年劉放曰檢前音下更反後文多字

二月上疾病

師古曰疾甚曰病

遂立昭帝為

太子年八歲以侍中奉車都尉霍光為大司馬大將軍受遺詔輔少主明日武帝崩戊辰太子即皇帝位

謁高廟帝姊鄂邑公主益湯沐邑為長公主

應劭曰鄂縣名屬江夏公主所食曰邑師古曰鄂音五各反帝之姊妹則稱長公主儀比諸王又以供養天子故益邑也

共養省中

伏儼曰蔡邕云本為禁中門閤有禁非侍御之臣不得妄入行道豹尾中亦為禁中孝元皇后父名禁避之故曰省中師古曰省察也言入此中皆當察視不可妄也共讀曰供音居用反養

他皆類此

大將軍光秉政領尙書事車騎將軍金日磾左將軍上官桀副焉夏六月赦天下

○劉放曰是年二月有赦

紀失載宣紀及丙寅傳可考

秋七月有星孛于東方濟北王寬有罪自殺賜長公主及宗室昆弟各有差追尊趙婕妤

為皇太后起雲陵

文穎曰婕妤先葬於雲陽是以就雲陽為起雲陵

冬匈奴入朔方殺略吏民發軍屯西河左將軍綽行北邊

曰行膏
下更反

始元元年春二月黃鵠下建章宮太液池中

如淳曰謂之液者言天地和液之氣所爲也臣瓚曰勝漢用土德服色尚黃鵠色皆白而今更黃以爲土德之瑞故紀之

也太液池言承陰陽津液以作池也師古曰如瓚之說皆非也黃鵠大鳥也一舉千里者非白鵠也太液池者言其津潤所及廣也鵠音胡鵠反

公卿上壽賜諸侯王列侯宗室

金錢各有差已亥上耕于鉤盾弄田

應劭曰時帝年九歲未能親耕帝籍鉤盾宦者近署故往試耕爲戲弄也臣瓚曰西京故事弄田在未央宮中師古曰弄田謂宴游之田

天子所戲弄耳非爲昭帝年幼創有此名

益封燕王廣陵王及鄂邑長公主各萬三千戶夏爲太后起園廟雲陵益州廉頭姑

繒祥柯談指同並二十四邑皆反

蘇林曰皆西南夷別種名也師古曰並音伴○宋祁曰景德本柯作洞

遣水衡都尉呂破胡募吏民及發

犍爲蜀郡犍命擊益州大破之

應劭曰舊時郡國皆有材官騎士以赴急難今夷反常兵不足以討之故權選取精勇開命奔走故謂之奔命李斐曰平居發者二十以上至五十

爲甲卒今者五十以上六十以下爲奔命奔命言急也師古曰應說是也犍古奔字耳犍音虔又音鉅言反

有司請河內屬冀州河東屬并州

文穎曰本屬司州師古曰蓋屬

京師司秋七月赦天下賜民百戶牛酒大雨渭橋絕八月齊孝王孫劉澤謀反欲殺青州刺史雋不疑師古曰雋不疑

曰雋音材亮反又音辭亮反

發覺皆伏誅遷不疑爲京兆尹賜錢百萬九月丙子車騎將軍日磾薨閏月遣故廷尉王

平等五人

師古曰前爲此官今不居者皆謂之故也

持節行郡國師古曰行舉賢良問民所疾苦冤失職者冬無冰

二年春正月大將軍光左將軍桀皆以前捕斬反虜重合侯馬通功封光爲博陸侯桀爲安陽侯以宗室

母在位者舉茂材劉辟疆劉長樂皆爲光祿大夫辟疆守長樂衛尉

師古曰長樂宮之衛尉也

三月遣使者賑貸貧民

毋種食者師古曰食音同秋八月詔曰往年災害多今年蠶麥傷所振貸種食勿收責毋令民出今年田

租冬發習戰射士詣朔方調故吏將屯田張掖郡師古曰調謂發選也故吏前為官職者令其部率習戰射士於張掖為屯田也調音徒釣反將音子亮反

三年春二月有星孛于西北秋募民徙雲陵賜錢田宅冬十月鳳皇集東海遣使者祠其處十一月壬辰

朔日有蝕之

四年春三月甲寅立皇后上官氏

文穎曰上官敫天下辭訟在後二年前皆勿聽治帝後二年夏六月皇

后見高廟賜長公主丞相將軍列侯中二千石以下及郎吏宗室錢帛各有差徙三輔富人雲陵賜錢戶

十萬秋七月詔曰比歲不登民匱於食

師古曰匱空也流庸未盡還師古曰流庸謂去其本鄉而行為人庸作

往時令民共出馬其止

勿出諸給中都官者且減之

師古曰中都官京師諸官府

冬遣大鴻臚田廣明擊益州廷尉李种坐故縱死罪棄市師古

曰縱謂容放之种音冲

五年春正月追尊皇太后父為順成侯夏陽男子張延年詣北闕自稱衛太子誣罔要斬

師古曰夏陽馬翊之縣

罷天下亭母馬及馬弩關

應劭曰武帝數伐匈奴再擊大宛馬死略盡乃令天下諸亭養母馬欲令其繁孳又作馬上弩機關今悉罷之孟康曰舊馬高五尺六寸齒未平弩十石以上

者不得出關今不禁也師古曰亭母馬應說是馬弩關孟說是也

六月封皇后父驃騎將軍上官安為桑樂侯

師古曰樂音來各反詔曰朕以眇身

獲保宗廟

師古曰眇微也

戰戰栗栗夙興夜寐脩古帝王之事通保傳傳孝經論語尚書末云有明

文穎曰賈誼作保傳傳在

乾隆四年校刊

前漢書卷七帝紀

三

禮大戴記言能通讀之也晉灼曰帝自謂通保傳傳未能有所明也臣瓚曰帝自謂雖通舉此四書皆未能有所明此帝之謙也師古曰晉瓚之說皆非也帝自言雖通保傳傳而孝經論語尚書猶未能明也○劉攽曰予其令三輔太常舉賢良各二人郡國文學高第各一人賜中二千石以下至吏民爵各有差罷謂瓚說是

僭耳真番郡師古曰僭耳本南越地真番本朝鮮地皆武帝所置也番音普安反秋大鴻臚廣明軍正王平擊益州師古曰廣明斬首捕虜三

萬餘人獲畜產五萬餘頭

六年春正月上耕于上林二月詔有司問郡國所舉賢良文學民所疾苦議罷鹽鐵榷酤應劭曰武帝時

官悉自賣鹽鐵酤酒昭帝務本移中監蘇武前使匈奴留單于庭十九歲迺還蘇林曰移音移底名也應劭曰移地名監其官也掌

鞍馬鷹犬射獵之具如淳曰移爾雅唐棣移也移園之中有馬廐也師古曰蘇音如說是奉使全節以武為典屬國如淳曰以其久在外國知邊事故

秦官漢因之掌歸義蠻夷屬賜錢百萬夏旱大雪不得舉火臣瓚曰不得舉火抑陽助陰也秋七月罷榷酤官令民得以

律占租如淳曰律諸當占租者家長身各以其物占占不以實家長不身自書皆罰金二斤沒入所不自

今猶謂獄訟之辨曰占皆其意也蓋武帝時賦歛繁多律外而取今始復舊○劉攽曰予謂罷榷酤官令

民得以律占租賣酒升四錢共是一事爾以律占租者謂令民賣酒以所得利占而輸其租矣占不以實

則論如律也租即賣酒之稅也賣酒升四錢所以限民不得厚利爾王子侯表旁況侯般坐貨子賣酒升

四錢以邊塞關遠取水水隴西張掖郡各二縣置金城郡詔曰鈞町侯母波率其君長人民擊反者斬首捕虜有功服虔曰鈞音左傳射兩鈞之鈞應劭曰叮音若挺西南其立母波為鈞町王大鴻臚廣明將率

有功賜爵關內侯食邑

元鳳元年春

應劭曰三年中鳳皇比下東海海西樂鄉於是以冠元焉

長公主共養勞苦復以藍田益長公主湯沐邑泗水戴王前薨

以舅嗣國除後宮有遺腹子煖

師古曰煖音許遠反

相內史不奏言上聞而憐之立煖為泗水王相內史皆下獄三

月賜郡國所選有行義者涿郡韓福等五人帛人五十匹還歸詔曰朕聞勞以官職之事

鄧展曰閔哀韓福等不忍勞役

以官職之事

其務脩孝弟以教鄉里令郡縣常以正月賜羊酒有不幸者賜衣被一襲祠以中牢

師古曰幸者吉而免凶也

故死謂之不幸一襲一稱也猶今武都氏人反

師古曰氏音丁奚反

遣執金吾馬適建龍雛侯韓增

師古曰姓馬適名建也龍領漢

書本或作雛字功臣侯表云弓高壯侯韓類當子驁封龍雛侯元鼎五年坐酎金免後元元年驁弟子增紹封龍雛侯而荀悅漢紀龍雛皆為領字崔浩曰雛音洛今河間龍雛村與弓高相近然此既地名無別指義各依書字而讀之

斯則通矣饒音女交反

大鴻臚廣明將三輔太常徒皆免刑擊之

蘇林曰是時太常主諸陵縣治民也夏六月赦天下秋七

月乙亥晦日有蝕之既八月改始元為元鳳九月鄂邑長公主燕王旦與左將軍上官桀桀子票騎將軍

安御史大夫桑弘羊皆謀反伏誅初桀安父子與大將軍光爭權欲害之詐使人為燕王旦上書言光罪

時上年十四

張晏曰武帝崩時八歲即位於今七歲今年十五師古曰此云初桀安父子與大將軍爭權詐為燕王上書蓋追道前年事耳非今歲也張說失之

覺其詐後有譖光

者上輒怒曰大將軍國家忠臣先帝所屬

師古曰屬音之欲反

敢有譖毀者坐之光由是得盡忠語在燕王霍光傳

冬十月詔曰左將軍安陽侯桀票騎將軍桑樂侯安御史大夫桑弘羊皆數以邪枉干輔政

師古曰枉曲也以邪曲之

事而干求也大將軍不聽而懷怨望與燕王通謀置驛往來相約結燕王遣壽西長孫縱之蘇林曰壽西姓也長名也孫姓縱之

名等賂遺長公主丁外人謁者杜延年大將軍長史公孫遣等交通私書服虔曰外人主之所幸也晉灼曰漢語字少君師古曰此杜延

年別自一人非下諫大夫也共謀令長公主置酒伏兵殺大將軍光徵立燕王為天子大逆毋道故稻田使者燕倉先

發覺如淳曰時為諸稻田置使以告大司農師古曰杜延敝楊敝也告諫大夫延年師古曰杜延延年以聞丞相徵

事任宮手捕斬桀文穎曰徵事丞相宮屬位差尊桀屬也如淳曰時宮以時事召待詔丞相府故曰丞相徵事張晏曰漢儀注徵事比六百石皆故吏二千石不以臧罪免者為徵事絳衣奉朝

賀正月師古丞相少史王壽誘將安入府門如淳曰漢儀注丞相太尉大將軍史秩四百石武帝又置丞相少史秩四百石皆已伏誅吏民得以

安封延年倉宮壽皆為列侯又曰燕王迷惑失道前與齊王子劉澤等為逆抑而不揚望王反道自新師古

曰所為邪僻違失正道欲其旋反而歸正故云反道今酒與長公主左將軍桀等謀危宗廟王及公主皆自伏辜其赦王太子建公

主子文信及宗室子與燕王上官桀等謀反父母同產當坐者皆免為庶人其吏為桀等所誣誤未發覺

在吏者除其罪師古曰其罪未發未為吏所執持者○劉攽曰在吏謂發覺已在吏者

二年夏四月上自建章宮徙未央宮大置酒賜郎從官帛及宗室子錢人二十萬吏民獻牛酒者賜帛人

一匹六月赦天下詔曰朕聞百姓未贍師古曰贍足也前年減漕三百萬石師古曰減省轉漕所以休力役也頗省乘輿馬及苑

馬師古曰乘輿馬謂天子所自乘以駕車與者他皆類比以補邊郡三輔傳馬張晏曰驛馬也師古曰傳音張懸反其令郡國毋斂今年馬口錢文穎曰往

時有馬口出歛錢今省如三輔太常郡得以叔粟當賦如淳曰百官表太常主諸陵別治其縣爵秩如三

諸應出賦算租稅者皆聽以叔粟當錢物也叔豆也

三年春正月泰山有大石自起立上林有柳樹枯僵自起生師古曰僵僵也謂樹枯死僵 罷中牟苑賦貧

民師古曰詔曰迺者民被水災頗置於食朕虛倉廩師古曰倉新穀所藏也廩穀所振入也 使使者振困乏其止四年毋漕

三年以前所振貸非丞相御史所請邊郡受牛者勿收責應劭曰武帝始開二邊徙民屯田皆與犂牛後丞相御史復間有所請今勅自上所賜與勿收

責丞相所請乃令其顧稅耳 夏四月少府徐仁廷尉王平左馮翊賈勝胡皆坐縱反者仁自殺平勝胡皆要斬冬遼東

烏桓反以中郎將范明友為度遼將軍應劭曰當度遼水往擊之故以度遼為官號 將北邊七郡二千騎擊之

四年春正月丁亥帝加元服如淳曰元服謂初冠加上服也師古曰如氏以為衣服之服此說非也元首也冠者首之所著故曰元服其下汲黯傳序云上加元服是知謂冠為元服

見于高廟賜諸侯王丞相大將軍列侯宗室下至吏民金帛牛酒各有差賜中二千石以下及天下民爵

毋收四年五年口賦如淳曰漢儀注民年七歲至十四出口賦錢人二十三錢以食天子其三錢者武帝加口錢以補車騎馬也 三年以前逋更賦未入者

皆勿收如淳曰更有二品有卒更有賦更有過更古者正卒無常人皆當迭為之一月一更是謂卒更也貧者欲得顧更錢者次直者出錢顧之月二千是謂踐更也天下人皆直成邊三日亦名為更律

所謂繇戍也雖丞相子亦在戍邊之調不可人人自行三日戍又行者當自戍三日不可往便還因便住一歲一更諸不行者出錢三百入官官以給戍者是謂過更也律說卒踐更者居也居更縣中五月乃更

也後從尉律卒踐更一月休十一月也食貨志曰月為更卒已復為正一歲屯戍一歲力役三十倍於令古此漢初因秦法而行之也後遂改易有謫乃戍邊一歲耳逋未出更錢者也師古曰更音工衡反

天下醜五日甲戌丞相千秋薨師古曰田千秋夏四月詔曰度遼將軍明友前以羌騎校尉將羌王侯君長以下

擊益州反虜後復率擊武都反氏今破烏桓斬虜獲生有功師古曰既斬反虜又獲生口也俘取曰獲其封明友為平陵侯平

樂監傳介子持節使師古曰持節而為使誅斬樓蘭王安歸首縣北關封義陽侯五月丁丑孝文廟正殿火上及羣

臣皆素服發中二千石將五校作治六日成師古曰率領五校之士以作治也校音下教反太常及廟令丞郎吏皆劾大不敬會

赦太常轅陽侯德免為庶人文穎曰轅音料德江德也轅陽在魏郡清淵師古曰會六月赦耳史終言之六月赦天下

五年春正月廣陵王來朝益國萬一千戶賜錢二十萬黃金二百斤劍二安車一乘馬二匹師古曰夏大

早六月發三輔及郡國惡少年吏有告劾亡者屯遼東如淳曰告者為人所告也劾者為人所劾也師古曰惡少年為無賴子弟也告劾亡者謂被告劾而

亡秋罷象郡分屬鬱林牂牁冬十一月大雷十二月庚戌丞相訢薨師古曰王訢也訢亦欣字

六年春正月募郡國徒築遼東玄菟城夏赦天下詔曰夫穀賤傷農師古曰糴多而錢少是為傷也今三輔太常穀減賤

師古曰減音其令以叔粟當今年賦應劭曰太常掌諸陵園皆徙天下豪富民以充實之後悉為縣故與三輔同賦右將軍張安世宿衛忠謹封

富平侯烏桓復犯塞遣度遼將軍范明友擊之

元平元年春二月詔曰天下以農桑為本日者省用罷不急官師古曰謂非要職減外繇師古曰繇讀曰徭耕桑者益眾

而百姓未能家給師古曰給足也家家自給足是為家給也朕甚愍焉其減口賦錢有司奏請減什三上許之甲申晨有流星

大如月衆星皆隨西行夏四月癸未帝崩于未央宮臣瓚曰帝年九歲即位即位十三年壽二十二師古曰帝年八歲即位明年改元改元之後凡十三年

二十 六月壬申葬平陵臣瓚曰自崩至葬凡四十九日平陵在長安西北七十里

贊曰昔周成以孺子繼統而有管蔡四國流言之變師古曰四國謂管蔡商奄也流放也武王崩成王幼弱周公攝政四國乃流言曰公將不利於孺子遂致

雷風之異成王既見金縢之冊乃不疑周公事見幽詩及周書大誥孝昭幼年卽位亦有燕蓋上官逆亂之謀成王不疑周公孝昭委任霍

光各因其時以成名大矣哉承孝武奢侈餘敝師旅之後海內虛耗戶口減半師古曰耗損也音火到反減謂爲減省之光

知時務之要輕繇薄賦與民休息師古曰繇讀曰徭至始元元鳳之間匈奴和親百姓充實舉賢良文學問民所

疾苦議鹽鐵而罷權酷尊號曰昭不亦宜乎

前漢書卷七

前漢書卷七考證

昭帝紀發軍屯西河○監本訛屯河西從宋本改

上耕於鉤盾弄田注○

臣召南

按百官表少府屬官有鉤盾令丞後書志鉤盾令一人本注宦者典諸近

池苑囿游觀之處則應劭說是

夏陽男子張延年○通鑑考異曰紀作張延年雋不疑傳作成方遂又云一姓張名延年

封皇后父驃騎將軍上官安爲桑樂侯

臣召南

按驃騎將軍此與霍光傳同而外戚傳及恩澤侯表公卿

表俱作車騎將軍必有一誤

罷儋耳真番郡○

臣召南

按儋耳郡罷并入珠崖至元帝時珠崖亦罷又按後書東夷傳此年罷臨屯真

番以并樂浪元菟則不惟罷真番一郡也

將三輔太常徒注○胡三省曰此刑徒輸作三輔及太常者也

三輔太常郡得以叔粟當賦注○顧炎武曰漢時田租本是叔粟今并口算雜征之用錢者皆令以叔粟

當之其獨行于三輔太常郡者不獨爲穀賤傷農亦以減漕三百萬石慮儲備之乏也

將北邊七郡郡二千騎擊之○

臣召南

按匈奴傳明友爲度遼將軍將二萬騎出遼東則此七郡應作十

郡郡二千騎正合二萬之數

發中二千石將五校作治注○王禕曰五校謂中壘屯騎越騎射聲虎賁也

秋罷象郡分屬鬱林牂牁○

臣召南

按此文可疑秦置象郡後屬南越漢破南越卽故象郡置日南郡以

地理志証之此時無象郡名且日南郡固始終未罷也

前漢書卷八

漢 蘭 臺 令 史 班 固 撰

唐 正 議 大 夫 行 祕 書 少 監 琅 邪 縣 開 國 子 顏 師 古 注

宣帝紀第八

孝宣皇帝荀悅曰諱詢字次卿詢之字曰諱武帝曾孫戾太子孫也韋昭曰以違戾擅發兵故諱曰戾臣瓚曰太子誅江充以除讒賊而事不見明

後武帝覺寤遂族克家宣帝不得以加惡諡也董仲舒書曰有太子納史良娣服虔曰史姓也良娣官也其功無其意謂之戾無其功有其意謂之罪師古曰瓚說是也

有孺子凡三等師古曰以外家姓生史皇孫師古曰以外家姓皇孫納王夫人生宣帝號曰皇曾孫生數月遭巫蠱事太子師古曰太子有妃有良娣

良娣皇孫王夫人皆遇害語在太子傳曾孫雖在襁褓李奇曰襁絡也以縵布為之絡負小兒縵小兒大

繯也縵孟說是也縵音居猶坐收繫郡邸獄如淳曰謂諸郡邸置獄也師古曰據漢舊儀郡邸獄治天下

在郡邸獄而丙吉為廷尉監師古曰監者治巫蠱於郡邸憐曾孫之亡辜使女徒復作淮陽趙徵卿渭城胡組

更乳養李奇曰復作者女徒也謂輕罪男子守邊一歲女子輒弱不任守復令作於官亦一歲故謂之復

當復為官作徒也孟康曰復音服謂弛刑徒也有赦令詔書去其鉗鈇赭衣更犯事不從徒加與民為例故

遇甚有恩巫蠱事連歲不決至後元二年劉攽曰按武帝後元二年無赦元年乃有之蓋本云後元

帝疾往來長楊五柞宮師古曰長楊五柞二宮並在藍屋皆以樹名之帝往來二宮之間也柞字或作柞其音同望氣者言長安獄中有天子氣上遣

使者分條中都官獄師古曰中都官凡京師諸官府也繫者輕重皆殺之內謁者令郭舉夜至郡邸獄師古曰百官表云內者署屬少府

漢書志云掌宮中有張諸褻物丁字漢官云令秩千石蓋當時權爲此使○劉攽曰闕字衍劉敞同吉拒閉使者不得入曾孫賴吉得全因遭大赦吉迺載

曾孫送祖母史良娣家語在吉及外戚傳後有詔掖庭養視上屬籍宗正應劭曰掖庭宮人之官有令丞

令宗正著時掖庭令張賀嘗事戾太子思顧舊恩師古曰顧念也哀曾孫奉養甚謹以私錢供給教書既壯爲取

暴室舊夫許廣漢女應劭曰暴室宮人獄也今日薄室許廣漢坐法腐爲宦者作畜夫也師古曰暴室者掖庭主織作染練之署故謂之暴室取暴曬爲名耳或云薄室者薄亦暴也今俗語

亦云薄曬蓋暴室職務既多因爲置獄主治其罪人故往往云暴室獄耳然本非獄會孫因依倚廣漢兄

名應說失之矣畜夫者暴室屬官亦猶縣鄉之畜夫也應音所解反又音所智反

弟及祖母家史氏師古曰倚音於綺反受詩於東海濱中翁服虔曰濮音覆師古曰東海人姓濮字中翁也濮音房福反中讀曰仲高材好學然亦喜

游俠師古曰喜音許吏反鬪雞走馬具知閭閻奸邪吏治得失數上下諸陵師古曰諸陵皆據高敞地爲之縣卽在其側帝每周游往來諸陵縣去則上來

則下故言周徧三輔師古曰游行上下諸陵皆至其處常困於蓮勺鹵中如淳曰爲人所困辱也蓮勺縣有鹽池縱廣十餘里其鄉人名爲鹵中蓮音輦勺音灼師古曰如說是也

鹵者鹹地也今在櫟陽縣東尤樂杜鄠之間師古曰二縣之間也杜屬京兆鄠屬扶風鄠音扈率常在下杜孟康曰在長安南師古曰率者總計之言

也下杜卽今之杜城時會朝請舍長安尙冠里文穎曰以鳳弟尙親故歲時隨宗室朝會也如淳曰春日朝秋日請今之杜城時會朝請舍長安中里名帝會朝請之時卽於此里中止

息請音才姓反身足下有毛臥居數有光耀師古曰遍身及足下皆有毛每買餅所從買家輒大歸師古曰歸禮曰售亦以是自怪元

平元年四月昭帝崩毋嗣大將軍霍光請皇后徵昌邑王六月丙寅王受皇帝璽綬尊皇后曰皇太后癸

巳光奏王賀淫亂請廢語在賀及光傳秋七月光奏議曰禮人道親親故尊祖尊祖故敬宗大宗無嗣擇

支子孫賢者爲嗣孝武皇帝曾孫病已師古曰蓋以夙遭屯難而多病苦故名有詔掖庭養視至今年十

八師受詩論語孝經操行節儉慈仁愛人可以嗣孝昭皇帝後奉承祖宗子萬姓師古曰天子以萬姓爲子故云子萬姓奏

可遣宗正德至曾孫尙冠里舍洗沐賜御府衣太僕以軫獵車奉迎曾孫文穎曰軫獵小車前有曲輿不衣也近世謂之軫獵車也孟康

曰今之軫獵車也前有曲軾特高大獵時立其中格射禽獸李奇曰蘭輿輕車也師古就齊宗正府庚申

日文李二說皆是時未備天子車駕故且取其輕便耳非藉高大也孟說失之軾音鈴入未央宮見皇太后封爲陽武侯師古曰先封侯者不欲立庶人爲天子也已而羣臣奉上璽綬卽皇帝位謁高廟八月己巳

丞相敞薨師古曰楊敞也九月大赦天下十一月壬子立皇后許氏賜諸侯王以下金錢至吏民鰥寡孤獨各有

差皇太后歸長樂宮初置屯衛

本始元年春正月募郡國吏民訾百萬以上徙平陵文穎曰昭帝陵遣使者持節詔郡國二千石謹牧養民而風

德化師古曰以德化被於下故云大將軍光稽首歸政上謙讓委任焉論定策功益封大將軍光萬七千

戶車騎將軍光祿勳富平侯安世萬戶李斐曰居光祿位以車騎官號尊之無車騎官屬詔曰故丞相安平侯敞等居位守職與

大將軍光車騎將軍安世建議定策以安宗廟功賞未加而薨其益封敞嗣子忠及丞相陽平侯義師古曰蔡

乾隆四年校刊前漢書卷八帝紀